



Riikkabeiválggat 2015

Riikkabeiválggat

Riikkabeiválggat dollojuvvojit juohke njealját jagi. Válggain válljejuvvojit riikkabeivviide 200 riikkabeailahtu mearridit min oktasaš áššiin. Jagi 2015 riikkabeiválggat lágiduvvojit sotnabeivve 19.4.2015.

Riikkabeivviid barggut

Suoma vuodđolága mielde váldi Suomas gullá álbmogii. Álbmot vállje riikkabeivviid mearridit áššiin.

Riikkabeivviid dehálamos bargun lea ásahtit lágaid, maid mielde servodat doaibmá.

Nubbi dehálaš riikkabeivviid bargu lea mearridit stáhta bušeahtas. Bušeahtas meroštallo, gos stáhta oažžu ruđa ja masa ruđat geavahuvvojit. Riikkabeivviid bargun lea maid bearráigeahččat stáhta ruhtadoalu dikšuma.

Riikkabeivvit válljejit riikka ráđđehusa oaiveministara ja bearráigeahččet ráđđehusa doaimma. Lassin riikkabeivvit mearridit, man oaivilis Suoma stáhta lea mánggain Eurohpa uniovnna áššiin.

Gii oažžu jienastit?

Riikkabeiválggain sáhtta jienastit Suoma juohke riikkavuloš, guhte lea deavdán 18 jagi maŋimušta válgabeivve 19.4.2015.

Jos dus lea jietnavuoigatvuohta riikkabeiválggain, oaččot das poasttas almmuhuskortte. Dat postejuvvo njukčamánu.

Almmuhuskorttes lea du namma, válgabeivi ja ovdajienastanáigi sihke diehtu jienastanbáikkistat válgabeivve. Almmuhuskortte mielde oaččot maid logahallama ovdajienastanbáikkiin du ruovttu lahka sihke eará dehálaš dieđu válggaid birra.

Gean sáhtta jienastit?

Sáhtta jienastit olbmo, guhte lea evttohassan riikkabeiválggain du iežat válgabiies.

Suopma lea juhkkon 13 vágabiirii. Juohke vágabiires leat iežas evttohasat. Du vágabiire almmuhuvvo almmuhuskorttes.

Dieđu evttohasain oaččot ovdamearkka dihte aviissain, televišuvnnas dahje nehtas čujuhusas www.vaalit.fi.

Juohke evttohasas lea iežas evttohasnummir. Du iežat vágabiire evttohasaid nummirat gávdnojit earet eará jienastanbáikkiin. Nummirat oidnojit dábálaččat maid evttohasaid vágamáidnumiin.

Válgačiegusvuohta

Juohkeokta mearrida ieš, hálidago jienastit. Juohkeokta mearrida ieš maid das, gean hálida jienastit. Jietnavuoigatvuhtii gullá válgačiegusvuohta. Dat oaivvilda, ahte don it dárbbáš mitalit geasage, guđemuš evttohasa jienastat.

Goas sáhttá jienastit?

Sáhtát jienastit riikkabeaiválggain jogo vágabeaivve dahje dan ovdal ovdajienasteami.

Jienasteapmi vágabeaivve

Vágabeaivi lea sotnabeaivi 19.4.2015. Vágabeaivve jienastanbáikkis leat rabas diibmu 9–20. Sáhtát jienastit dušše dan jienastanbáikkis, mii lea merkejuvvon du almmuhuskortii.

Ovdajienasteapmi

Jos it sáhte dahje hálit jienastit vágabeaivve, sáhtát jienastit ovddalgihtii. Sáhtát jienastit man beare ovdajienastanbáikkis Suomas dahje olgoriikkain. Ovdajienasteapmi álgá 8.4.2015 ja nohká 14.4.2015. Dárkkis ovdajienastanbáikki rabasáiggiid logahallamis, man oaččot almmuhuskortte fáro, dahje nehtas čujuhusas www.vaalit.fi

Geas oažžu veahki?

Válgavirgeolbmot ja vágaveahkeheaddjit veahkehit ja rávvejit du buot diliin. Jos dárbbášat veahki jienasteami, sáhtát bivdit vágaveahkeheaddji veahkin jienastangohppii. Vágaveahkeheaddjin sáhttá doaibmat maid olmmoš, gean leat ieš válljen. Vágaveahkeheaddji ii oaččo mitalit geasage, gean don jienastit.

Ruoktojenasteapmi

Jos leat lossadit lámisolmmoš dahje guhkesáigge buohcci, sáhtát jienastit ovddalgihtii ruovttus. Almmut das telefonnain dahje skoviin iežat gieldda guovddášvágálávdegoddái 7.4.2015 dmu 16 rádjai. Lávdegotti telefonnummira gávnnat almmuhuskorttestat. Maiddái oapmahašdikšu sáhttá almmuhit iežas ruoktojenasteapmái. Buohcceviesuin ja lágádusain sáhttá jienastit ovddalgihtii, jos lea doppe divššus.

Ovdal jienasteami

Váldde jienasteapmái fárrui identitehtaduodaštusa, ovdamearkka dihte pássa, persovdnakoartta, vuodjinkoartta dahje eará vástideaddji virggálaš áššegirjji, mas lea mielde du čuovgagovva.

Jienastanbáikkis du vuordá válgavirgeolmmoš. Son dárkkista vuos du identitehta identitehtaduodáštusas ja addá dutnje jienastanlihpo.

Ná jienastat válgabeaivve

1. Mana deavdit jienastanlihpo jienastangohppii. Čále jienastanlihppui čielgasit dan evttohasa nummira, gean jienastat. Oaččot jienastit dušše ovttá evttohasa. Jos it muite nummira, dárkkis nummira logahallamis jienastangohpe seainnis. Ale čále jienastanlihppui maidige eará go iežat evttohasa nummira.
2. Máhcas jienastanlihpo guovdu nu, ahte oktage ii sáhte oaidnit nummira. Lihppui lea merkejuvvon báiki, gokko dat máhcastuvvo.
3. Máhca válgavirgeolbmo lusa. Válgavirgeolmmoš steampalastá máhcastuvvon jienastanlihpo.
4. Luoitte máhcastuvvon jienastanlihpo válgaurdnii.

Ná jienastat ovddalgihitii

1. Mana deavdit jienastanlihpo jienastangohppii. Čále jienastanlihppui čielgasit dan evttohasa nummira, gean jienastat. Oaččot jienastit dušše ovttá evttohasa. Jos it muite nummira, dárkkis dan iežat válgabiire evttohaslogahallamis, mii lea ovdajienastanbáikkis oaidninláhkai. Ale čále jienastanlihppui maidige eará go iežat evttohasa nummira.
2. Máhcas jienastanlihpo guovdu nu, ahte oktage ii sáhte oaidnit nummira. Lihppui lea merkejuvvon báiki, gokko dat máhcastuvvo.
3. Go leat deavdán jienastanlihpo, máhca válgavirgeolbmo lusa. Válgavirgeolmmoš steampalastá máhcastuvvon jienastanlihpo ja addá dutnje ruškes válgakonfaluhta. Bija jienastanlihpo konfaluhttii ja liibme konfaluhta gitta.
4. Dan maŋŋá válgavirgeolmmoš bivdá du vuolláičállit skovi. Vuolláičállimiin don dáhkídat, ahte leat ieš deavdán jienastanlihpo, virgeolmmoš lea steampalastán dan ja leat ieš gokčan jienastanlihpo konfaluhttii.
5. Loahpas válgavirgeolmmoš gokčá válgakonfaluhta ja du vuolláičállin skovi fiskes sáddenkonfaluhttii ja sádde dan guovddášválgalávdegoddái.

Ná don leat jienastan ja sáhtát volgit jienastanbáikkis.

Prošyra lea neahtas čujuhusain www.vaalit.fi ja www.papunet.net/selko

Vuoigatvuodaministeria
Selkokeskus